

平定兩金川方畧

四
六

平定兩金三枚錄

卷一

平定兩金川方畧卷之一百二十八

十一月丁丑。阿桂豐昇額海蘭察額森特奏言。
查阿穰曲左手斜岔山腿下寨落三處。業於十
五日攻得其一。接拏木柵十數座而前。茲於十
七日復派兵前往攻得第二座寨落。惟將至河
沿之第三座。寨牆甚厚。賊人聚集死守。必須拏
柵二十餘座進逼。方能攻撲。則稽延時日更多。

臣等公同商酌。以索隆古一帶。路徑頗多。官兵從此搶上。必須厚集兵力。方可分頭攻打。今前敵各處。分駐官兵。爲數不少。卽使攻克第三座寨落。而第二山峯等處之賊。倘未肯卽時潰散。則前敵之兵。均難抽撤。於直上索隆古分頭搶壓之計。斷不能行。究不如將第二山峯木城攻克。則直壓至山腿之下。勢等建瓴。此處賊人俱

可掃盡。而自科忌果木以至卡布角各寨落。亦必不攻自潰。旣無他顧之虞。便可抽兵數千。以資搶佔前進。惟是從第一山峰之上。轟擊第二山峯林內之木城賊碉。尚未能得力。當於十八日夜。連拏木柵六座前進。並於柵內起築砲臺。運砲轟打。又派普爾普烏什哈達額爾特等督兵。從阿穰曲右手。向西南接拏木柵。福康安瑚

尼爾圖泰斐英阿等帶兵設伏。以備賊人來擾。現在連拏木柵十七座。已繞過第二峯之西南。現將運到礮位。從旁轟摧在後之西里碉寨。查官兵一上索隆古山梁。則道路甚多。隨處可進。而從瑪爾古以至舍齊。賊人皆無從堵截。噶拉依卽危如累卵。故河西一帶。雖克扎烏古山梁。並已上通甲索。然卽從此克獲阿爾古甲襍。而

進抵獨松。與噶拉依尚阻大河。是以賊人雖愛
護河西。而西里一帶。實屬賊人性命所關。非但
不肯稍爲抽撤。以助河西。並悉索其人。竭力死
拒。以期稍緩須臾之死。今臣等從長籌計。務將
西里山峯寨落。尅日掃除。以爲迅速搶上索隆
古山梁之計。奏入。

上諭軍機大臣曰。阿桂等奏。所籌大有把握。自即可

望得手。看來賊人全力專注西里一帶。今阿桂等相機進攻。自可乘勝克捷。而噶拉依賊寨。據投番等所供。現甚空虛。攻之自易爲力。是掃蕩噶拉依賊巢。惟盼阿桂等一路之迅速藏事。至河西一帶賊旣不能抽兵相助。則攻取亦不甚費手。今又聞索諾木仍在甲襍。而土婦阿倉等現存雍中喇嘛寺。明亮等若攻克阿爾古。卽馳往甲襍。剿擒逆酋。

並乘勝攻佔獨松。兼可杜賊衆西竄之路。彼時或
馳赴阿桂處。幫同掃平噶拉依。或渡河攻打雍中
喇嘛寺。擒獲阿倉阿青等。則賊勢更孤。明亮等卽
可由彼處與阿桂約會。夾攻噶拉依巢穴。自更可
期迅速集勲。

同日阿桂豐昇額又奏言。梭磨土婦卓爾瑪。帶
同伊子已襲土司斯丹巴親赴軍營。呈送牛五

百頭。酒一千簍。糴粃五百背。以備犒賞滿漢屯
土各兵之用。該土婦懇求甚力。頗見誠心。因思
酒與糴粃。伊老幼千人。遠道負至。不便仍令運
回。致滋苦累。當卽分給各兵。其餘牛隻俱各發
還。並將該土婦土司及頭人番衆。厚加賞賚。甚
爲欣悅而去。查梭磨係安撫司職銜。而近年以
來。如緝斯甲布巴。旺布拉克底土舍。均已晉陞。

宣慰司。今該土婦深知大義。派出隨勦土兵亦多。可否將伊子安撫司斯丹巴。進爲宣慰司以昭鼓勵之處。出自

聖恩。奏入。

上諭內閣曰。梭磨土婦卓爾瑪。並伊子安撫土司斯丹巴。恭順可嘉。著加恩將斯丹巴賞給宣慰司之職。以示鼓勵。

同日。郝碩奏言。查勒烏圍拉枯喇嘛寺等處及梭洛栢古大板昭薩拉等站。存米統計七萬餘石。軍糧甚爲充裕。而將軍阿桂現督兵攻獲西里。一經攻克科布曲山梁。移營前進。所有一切軍糧軍火。卽可由勒烏圍一直運供。察看道路情形。由勒烏圍前至河岸。必須添安一站。始能接運。其人夫一項。擬卽將北路卓克采一帶裁

撤人夫內。酌撥五百名。加安於此。並預備人夫一千名。寄存各站。以備添設新站之用。奏入。上嘉之。

庚辰。明亮舒常奏言。本月十八日。發兵攻搶耳得谷。將日斯滿。以至巴扎木各碉賊人。俱攔截在內。賊恃其地險。碉多。猶據守山梁。隨派令和隆武珠爾格德等。帶同漢土官兵。往上進逼。一

路從梁上直攻。一路從箐內繞截。賊人雖放鎗。滾石。而其勢已見披靡。當將十七碉。隨到隨克。直至巴扎木。與敖成甲索一路。現已上下接通。其曲碩木所管一帶寨落。賊人望見日斯滿不能據守。卽將寨落自行放火焚燒。先爲逃遁。現自甲索以至日斯滿。自日斯滿以至扎烏古。下及臨河。俱已攻克。則後路雖極綿長。而有此一

帶山梁爲之關鍵。均可無虞。

臣

等現將達爾圖

及得楞基木斯丹當噶等處防兵俱已裁撤。派
令由巴扎木碯卡而上。接安木城五座。營盤四
座。務在聲勢聯絡。並令馬彪卽協同敖成在甲
索駐劄。數日以來。辦理諸事。均有就緒。惟查上
巴布里雖已佔據。而其中巴布里下巴布里以
及接連之阿爾古。數十百處寨落。俱於扎烏古

平定回疆方略卷之三

十七

之陽坡乃當之陰坡兩面星羅碁布極見稠密。

臣

等與各領隊大臣公同籌議查礮占爲乃當

山頂地形雖極險隘礮卡亦多林立然得設法

搶佔則順梁下壓不獨中巴布里下巴布里以

及阿爾古等處地方攔截在北皆可不攻自潰。

且由乃當而南爲甲雜官寨再前爲獨松官寨

乘此軍聲愈振賊胆愈寒之時前途鼓行而進。

與馬爾邦相接。富德一路官兵。即可刻期會合。
是河西賊境。全已肅清。卽止地賊人計。惟有相
率來降。冀全性命。而索諾木弟兄。更不能由革
布什咱別圖竄匿。

同日明亮舒常又奏言。自攻打扎烏古以來。頭
人土弁及屯土各兵。無不奮勇。綽斯甲布土司
雍中旺爾結。雖屬年輕。一切添派土人。協同進